

Мошарзьянь
ВЛКСМ-нь обкомъ
и Саранскань
Горкомъ газет-
ска

Редакциянь адресок:

Саранск, ул. Карла
Маркса 9—Комсо-
молонь ялгаль

Газетать питец
ковс 60 трешня



КОМСОМОЛОНЬ ВАЙГЯЛЬ

8

ЯНВАРЬСТА
1936 КИЗОНЯ
3 (249) №

Лисенди 3-це кизосъ
ковти 12-ксты

А. В. Косарев ялгатъ речец

Сьоротъ урожайностенъ касфтомаса передовикнень, трактористтнень и молотилкань машинисттнень партиять и правительствать руководителензон мархта совещаниясост

Ялгат!

1933-це кизонь февральть 19-це шистонза ударник-колхозниконь весеньце с'ездса эсь выступлениясонза шарфнемом (обращаясь) комсомолецненьди и комсомолкатненьди, Сталин ялгась мярьксъ: „Комсомолец и комсомолка ялгат! Тонафнеда большевизмат и вятесть инголи каф та пяли шерхконьдихнень (колеблущайхнень)! Балтандада сяда кржа, работада сяда лама—и тево нхте тинь лиси наверняка.“

Тяфта мярьксъ Сталин ялгась. Ленинскэй комсомолсь, минь великай странасонк трудяй од ломатне сембе эст работасонза мольсь минь вожденьконь и учителеньконь тя указанияз, коряс. И аф саучайна, што минь тячиень совещаниясонк присутствующайхнень оцю пялькссна аши минь колхознеконь од передовой ломаньшон эзда. Йофси тяфтама жа картина ульсь кода нямс и стахановецень Всесоюзной совещаниясовок и комбайнеронь совещаниясонга.

Минь од ломаненька активнайста работайхть социалистическэй строителствань сембе участкатнень эса. Сявосьть, кепетьксоньди, минь велень хозяйствасонк трактористтнень колга даннайхнень 600 тьожатть трактористтнень эзда 480 тьожанць, али 80 процентсь, од ломатть. Комсомолецта синь йотксост 174 тьожатть, али 29 процентт. Синь йотксост улихть ломатть, конатнень содасыне и конатнень мархта гординдай сембе странась.

Вов тракторнай бригадань бригадирсь Донбассонь знатнай трактористсь, комсомолецсь Острогляд Иванць Теенза 21 киза. Сон УССР-нь ЦИК-нь член. Сонь бригадасонза эрь тракторсь 1935-це кизоть сокась 1216 гектархт. А сембе бригадась (ХТЗ-нь ниле тракторса) 1935-це кизоня сокась 4864 гектархт и ванфтсь (с экономила) 20 тоннат плхтама материал. Острогляд ялгась работанкса получась 3.250 цалковайхть ярмакт и 25 центнерхт сьора. Сембе сонь бригадац сявсь эсь лангозонза обязательства 1936-це кизоня сокамс 1.600 гектар эрь трактори.

Али вов бригадирсь Трошин Василийсь. Теенза 20 киза Сон ВЛКСМ-нь член 1931-це кизоста сявомок. Работай Москувонь областсь Сафоновскэй райононь Первомайскэй МТС-са тракторнай бригадань бригадирсь. Сонь бригадасонза эрь тракторсь сокась 1.008 гектархт, норматъ коряс путф 520 гектарть вастс. Ст лин ялгатъ лемс кучф рапортса сонь бригадац сявсь эсь лангозонза обязательства 1936-це кизоня эрь ХТЗ тракторть мархта сокамс аф 1.500 гектарда кржа. Трошинць тийсь 650 трудошит. Тя значит, што сон получась 114 пуд сьора, 240 пуд модамарь и 1650 цалковайхть ярмакт.

Сембе тинь тяфтажа лац содасать кода работай Ангелина Пашать стирнянь тракторнай бригадац — ленинско-сталинскэй комсомолть славнай стирензон бригадасна.

Союзонь Наркомземть данна-ензон коряс, 13.257 агрономтнень эзда 23 кизоты модемс од ломаньда лувондови 23,2 процентт зоотехник комсомолецта—31,5 процентт. Москувонь областень Волоколамскэй районца агрономтнень 50 процентсна комсомолецт, а зоотехникнень йоткса комсомолецта 62,5 процентт. Одесскэй областсь 1935-це кизоня агрономтнень йоткса комсомолецта ульсь 31,3 процентт, ветврачнень йоткса—17,5 процентт, зоотехникнень йоткса—65,3 процентт.

Аф случайна, ялгат, што пяк лама высшай правительственной наградаса казъфнень эзда лама од ломаньде и комсомолецта.

Вов несколько цифрат: комбайнеронь совещанияса 197 участникнень эзда од ломаньда 25 кизоты модемс ульсь 84 ломатть, а комсомолецта синь йотксост 50 ломань. Синь, кода и совещаниянь сембе участникне, казъф орденца. Али сявосьть минь славнай колхозницань-пятисотницанеконь. Орденца казъф 39 пятисотницатнень эзда—25 од ломатть, конатнень эзда 11 комсомолкат.

Трудонь героическэй образец няфнихть и национальнэй республикаванок од ломаттневок. Узбекистанонь, Туркменистанонь, Казакстанонь, Таджикистанонь и Кара-Калпакиязь орденца казъф передовой колхозникнень и колхозницатнень йоткса 25 кизоты модемс од ломаньда—40 ломань, синь эздост 23 комсомолецт и комсомолкат и 3 представительхть минь славнай пионериянеконь эзда.

Аф корхтай ли сембе тя марса сявось, сянь колга, што комсомолецнень, минь передовой од ломаненьконь тевсна ушечни лисеньдема наверняка, што минь ушечнетяма сяда кржа болтандама и сяда лама работама! (Кядень цяпамат)

Ялгат! Ленинскэй комсомолть Центральнай комитетонь поручандазе тейне азомс пяк оцю благодарность, коммунистическэй спасиба сембеньди теентть, а стания жа сембе комсомолецненьди и комсомолкатненьди, колхознай трудонь сембе од геройхненьди, од колхозницатненьди и колхозникненьди, конат эсь ударнай, большевистскэй трудсон мархта вярэ кирьцазь ленинско-сталинскэй комсомолть знамянь, пшкочнемом указаниятнень, ко атнень тейке, ленинскэй комсомолти, максесыне Сталин ялгась (Кядень цяпамат).

Спасиба минь сгрананеконь передовой од ломанензонды сянь инкса, што синь оправданкаш-

несазь минь великай большевистскэй партиянеконь высокай довериянь и эсь честнай, ударнай трудсон мархта оправданкаш несазь пяк оцю довериять, конань няфнесы (оказывает) минь од ломаненьконьди Сталин ялгась (Кядень цяпамат).

Тинь героическэй трудонтень мархта гординдай сембе странась, гординдай ленинскэй комсомолсь, гординдай минь великай большевистскэй партиянека, гординдай минь другонька и учителенька великай Сталинць! (Кядень цяпамат).

Синьценъ тя ударнай, честнай трудсон самоотверженнай работасон мархта передовой советскэй од ломаттне, ленинскэй комсомолть членонза азондихть благодарностъ минь партиянеконьди, минь правительстванеконьди, Сталин ялгати цебяръ, счастливый, зажиточнай и культурнай эряфть инкса, конань синь тиезь (создали) минь од ломаненьконьди (кядень цяпамат).

Минь од ломаненька аф содасазь проклятай прошлайть и сембе векшонды лифтьфт (избавленайхть) сонь алдонза. Революцияда инголе од ломаттненьди уделкс ульсь неизбежнай и эрь пингонь вача шисъ, калдыав (беспросветнай) будущностьсь, козятнень и помещикнень лангс каторжнайста работама, культурафгма шисъ, сьормас аф-содамась, невежествась казенкась, церквась, пяк аф кяльгови солдатскэй повионностъ оцю азоронь казармаса, авать йофси правафтома шиц, лама миллиотт ломанень юмаффт (загубленна) идькс шисъ. Ниньге сяда калдыав ульсь авать положенияц. Теенза нхне афоль максевс модань наделга, и семияса стирень ша-чемазь лувондовсь несчастьякс и горякс.

А тияни, ялгат? Ништа минь странасонк ломаньць и сембедонга пяк од ломаньць аши „полнай властьа тоненькай травинка“, модатъ кядьдала, кода сьормадсь тянь колга революцияда ингольденъ писательсь Глеб Успенскийсь? Йофси аф. Сталинскэй эпохань ломаньць подчиняндакшнесы эстиенза модатъ. Пролетарскэй государствась максо-зе колхозненьди модатъ вечнай пользования, и колхозне ушечнихть добувакшнема модатъ эзда сембень, мезе сон может максомс.

И минь советскэй моданеконь плодородиянь инкса тя тюрема-са од ломаттне пшкочнихть аф послдний роль, сяс мес синь ули сембесна. Варжакстода минь од ломаненьконь ланкс, конат воспитандафт Ленинонь — Сталинонь мархта, конат воспитандафт минь партиянеконь мархта. Тест кели та паньфть кенькшне эряфти: мяльце тонафнемс — пажалста, мяльце улемс инженеркс, техникукс, ученайкс — пажалста,

аньцек ба желанияце. Сидеста од цьорась, улемок пяле грамотнай, моли минь кельгома работаень и сьора видинень „Якстерь армиязонк, а сашенды тоста стройнай, дисциплинированной, культурнай и интеллигентнай ломанькс. Синь Якстерь армияста сашендыхть минь колхозоньконьди, кода колхознай трудонь передовой работникт, кода велеса васеньце женихт.“

Башка сатфкст эсь работасост сатсь минь стирнянека. Аф случайна, што минь партиянеконь, советскэй властть сатфкс-сна содонфт аватнень лемсон мархта. Минь аванекя, сембедонга пяк одтне, пяк ламода политически и культурно кассть Мария Демченкосъ, Евдокия и Мария Виноградоватне, Паша Ангелинась лама минь виднейшай парашютастанекя, конат тийсть мировой рекордт, — тьяньди яркай доказательства.

Минь стирнянека ниньге сядалама, ниньге сяда цебяръста кармайхть работама!

Аш кода апак кенярдыть вачоме-и минь национальнэй республикаванок и областеванок од ломаттнень лангска. Инголи, царизматъ пиньгста, нят ульсь сембеда люпштаф, правафтома ломатть. Варжакстода тияни ня од ломаттнень лангс, конатнень кафтозень минь партиянека, минь Сталинонька. Нят — передовой ломатть, и ингольпьяльденъ бойхнень эса синь мяштьсон мархта арелясазь минь странанеконь.

Эрятама в общем, ялгат, веселаста, цебяръста, трудендатама ударнайста, кельктыма кода эряви. И кда Сталин ялгась комбайнеронь совещанияса корхтаф эсь речсонза азозе, што эрь кизоня минь получандакшнетяма населениянь прирост снйра, мзяра населенияц тяфтама государствать, кода Финляндиять, то, кда минь кемокстасась завоеваниятнень, несомненно сай пингя, мзярда миньцонк эрь кизоты населениясь кармай касома, примерна, тияниень Польшать размерса. (Залса веселай оживление, кядень цяпамат.)

Сембе тя, ялгат, цебяръ. Минь героическэй од ломаннеке лиссть ингольденъ позициятненьди и заньшихть тяфтама виднай васта странаса. Тя аф аньцек оцю честь и великай гордость, но тя, тьяка мархта рядс пяк оцю ответственностъ партиять инголе, странать инголе и Сталин ялгатъ инголе. Сембе ялгатне содасазь, што комбайнеронь и комбайнеркань совещанияса азф эсь речсонза Сталин ялгась путсь задача тюремс 7-8 миллиардт пуд сьоронкса. Тя задачатъ эряфс йотафтоманц должен сявомс эсь лафту лангозонза минь героическэй од ломаннеке, минь прекраснейшай рабочай и велень интеллигенциянеке.

(Пец 2-це лопаширеса)

А. В. КОСАРЕВ ЯЛГАТЬ РЕЧЕНЦ ПЕЦ Якстерь уженяса

Копа йотафтомс эряфс 7-8 миллиард пуд сьоронкса тюремнь задаче? Ответ тя кизефксть каршес максы Сталин ялгась.

„Главнайсь тани сянь эса, — корхтась тя совещанияса Сталин ялгась, — штоба налець кадратень ланкс, тонафтомс кадратень, лездомс фталу илядыхненди техникать тонадомаса, шиди — шис касфнемс ломатть, конат способнайхть тонадомс техникать и панемс сонь инголи. Тянь эса тани главнайсь, ялгат“.

Васендакигя тейнек тинь мархтонтт сави работамс серьезнайста кадрань аноклама кизефксть колга. Предварительнай подсчетть коряс, 1936-це кизоня минь должны анокламс 250 тьожатть од тракторист, 75 тьожатть комбайнерхт и штурвалнайхть, 50 тьожатть паксянь бригадирхт, 12 тьожатть сложнай тяляма машинаса работай машинистт и 17 тьожатть механикт. Тяда башка минь должны одукс анокламс (переподготовить) 100 тьожатть тракторист, 15 тьожатть комбайнерхт. Кинди-кинди, кола аф тейнек, эряви кода следует роботамс, штоба пашкодемс тя задаче, а тяфтома аш кода сатомс 7-8 миллиард пудт сьоронь сьавома кизефксть пашкодемац. Вов мезень ланкса должны работамс, минь комсомолка и комсомолец и минь странасонк инголи моли од ломань ялгат!

Нят сембе механизматненди и машинатненди эрявихть путнемс минь одломаннекснь эзда аныцек инь цебарьхнень сятнень, конатнень ули мяльсна тонафнемс, сятнень, конат старандахть тонафнемс, сятнень, кие кельксы машинат, сяда дисциплинированной ялгатнень. А минь, ленинскэй комсомолсь, тя тевть инкса макстама тя участкати тьожатть и кемотть тьожатть минь организациянеконь членонзон, лездтама школатнень, курснень работаснон, правильнайста организовандамаснонды, лездтама соответствующий литературань и учебнай пособиань молдамати.

Эряви видеста, ялгат, азомс, што тятевть эса миньцонку улихть оцю афсатыкст (непорядки). Сидеста лисеньди стания, што курст пуроптыхть, а марстонь эряма васта аф ялан макссхть; марстонь эряма васта макссхть — койкагатнень колга юкстасазь; койкагат сатыхть матраценнь колга юкстасазь, и нингя лама тяфтама улущеният, конат нервировандакшнесазь трактористть, комбайнерть и конат шорьсхть синь работаснонды. Да и синьцякя од трактористтне и од механизаторхне ламода эряхть вино ватт. Видеста эряви азомс: тонафнетяма минь сяка лувксть эса и ленинскэй комсомолонь члентневок, аф ялан кода эряволь, аф ялан цебарьста; кальдявста торьхтяма неполадкатнень каршес; машинат ланкс ваттама аф

сембе стания, кода Ангелина Пашать бригадац, кой коста уродовандакшнесазь машинат аф ваттама мельганза Кой-кона трактористтнень дисциплинасна лафча, тракторть — социалистическэй собственность ланкс — синь ваныхть кой-коста сяда кальдявста) кода с-нь ваноншт (относился) эсь алашаньснон ланкс, мзярда эрясть индивидуальной хозяйстваса.

Эряви, наконец, серьезнайста кярь-одемс агрономическэй минимумть тонафнеманшты. Уликс агрономическэй минимумсь эсь содержаниянц коряс явнайста сиредьсь, сон нингя колхозда ингольдень пингонь, сон аф максси тейнек эрявикс содама шит, сон аф тонафнесамазь таниень пинкть лаца работати. Уликс агроминимумсь аф лезды работаса фталу илядыхнень инголи молихнень рядснонды таргамаснон колга.

Агротехникать тонафнемац минь колхознеконь эзга канни аф организованнай, а кой-коста случайнай характер. Колхознай интеллигенциять виенза (агрономтне, учительхне, зоотехникне, ветперсональс) лафчста тарксевихть агротехническэй минимумть тонафнеманшты и сидеста использовандакшневихть аф правильна. Тянкаса марса и минь партиянеконь руководстванц ала, Союзонь Наркомземть лезксонц и маластонь содействиянц вельде, тейнек эряви маластонь пинкть агроминимумсь ваномсоду.

Эряви азомс, што и народнай образованиянь оргаттневок аф шарфнихть эрявикс мяль минь одломаннеконь образованияснон касфтоманц ланкс, кода пях эряви велень хозяйствать и колхознай стройть потребностьснонды. Минь колхознеконь эзга таниень пинкть самс нингя кржа постоянной действующей школада, конат макссхть специальнай агрономическэй средняй образования. Эряви семилеткатнень базаснон ланкса велеса строй семс постоянной агрозоотехническэй школат, конат ба аноклалхть велень хозяйствань различнай специалистнон кадрат.

Ялгат! минь одломаннеконь эряфснон эса уликс, мон бы мярьголень, привилегированнай условияне — возможность кочксемс эстеенза кодама эряви профессие, безработицафтома шись, цебарь работама питнесь, зажиточнай эряфсь — кой-коста, ялгат, тяка мархта рядсок и колсесы-калафнесы минь од ломаннеконь. Минь од ломанеке кой коста ушодкшнихть капризничендама, пряснон няеме (зазнаваться), кепсемс шалхкснон. Вов мярьги, трактористть кельксазь, комбайнерть — тоже, а вов, мярьктяма, прицепщикть али поварт колхознай таборса аф кельксазь. Кой-коста минь од ломанеке аф лувонцазь синь трудснон настояшай трудкс. Тя прокс аф виде. И комбайнерсь, и прицепщиксь, и по

варсь и полеводческэй бригадань рядовой работниксь — сембе эрявихть кельгомс, сембень трудсна эрявихть ценить, сясмес минь страназонек всякэй честнай трудсь, кода козьякофнесы минь странанеконь, кода полезнай минь странанеконди, трудсь, кода кемокснесы минь великай странанеконь могуществанц, — тя трудсь — почетсь, сон дслжен миньцонк пользовандамс славаса и минь должны сонь кельгомс.

Минь од ломаннеконьди настояшай эряфть сатозь Ленинонь руководстванц ала, Сталинонь руководстванц ала минь алянеке. Од ломаттненди эрявихть арялямс нят завоеваниятне врагтнень возможнай нашествияснон эзда. Од ломаттненди сембодаляк, чем киньди либо, эряви и обязатт кельгомс эсь властьюснон, рабочайхнень и крестьянттнев властьюснон. Тя властью тийф великай Ленингть мархта, великай Сталингть мархта. (Вишькста кядень цяпамат). Тя властью тийф минь большевистскэй партиянеконь мархта. И тейнек, од ломаттненди, тя властью инкса эряви ашемс сембе вийса, тейнек эрявихть анокламс эсь пряньконь международнай коммунизмань якстерь армеецень эсь историческэй роленьконьди! Тейнек од ломаттненди, эряви аф аныцек моразь аськолямс эряфть эзда, кода морави морса, но сяка пингть тонафнемс и военной тевтькя.

Большевикнень сире поколениясна, большевистскэй сире боецне решандазь „кие кинь“ кизефксть минь странанькен эса социализмать пользас. Тейнек, советонь странань од ломаттненди, минь партиньконь руководстванц вельде, великай Сталингть руководстванц вельде, советскэй союзонь маршалть Ворошилов ялгать командованиянц вельде (вишькста кядень цяпамат) аши (предстоит) пях ставка, важнейшай историческэй задача — решандамс „кие кинь“, решандамс коммунизмать судь банза сембе мирса. И кда минь славнай одломаннеке кода и инголе кармаихть молема большевистскэй партиять указаниянзон коряс, кармаихть молема Сталин ялгать указаниянзон коряс, кда минь славнай одломаннеке ударнайста, кода синь работайхть тани, и нинге сяда цебарьста кармаихть трудяма минь фабриканьконь и заводнеконь эса, минь колхознеконь и совхозниконь эса, то аш, ялгат, кодамовок сомнения, сянь эса, што минь, большевиконь од поколениясь во главе партиять мархта, во главе Сталин ялгать мархта трудяй человечествать судь банзон колга кизефксть решандасазь международнай масштабса коммунизмать пользас! (Кядень цяпамат, „ура“ ювадшнемат. Совещаниянь участникне стяда ащезь приветствовандакшнесазь Косарев ялгать).

КУЙБЫШЕВУ — КРАЕВОЙ ОЛИМПИАДАС

Илень художественнай самодеятельностень республиканскэй олимпиадаса успех мархта пользовандась Атемарскэй средняй школань агитбригадаты выступлениянц национальной кшнимань мархта. Сембодаляк цебарьста ульсть кштифткафта танецт: „Светит месяцсь“ и „Тарантеллась“.

Сембе бригадась (сембоц 12 ломаньшта) руководительницаць Казенновать мархта ули кучф Куйбышев ошу краевой олимпиадас.

М.-Т.

Аф пях оцю помещение, кодац цебарьста урядаф, валдста палы тольсь, кияксь чистой, стенатненди повфнефт портретт.

Тя якстерь уженянь помещениась (Исарань — р — н „Верный путь“ колхозть). Тяза якайхть од колхозникт и колхозницат, стания жа якайхть пионерхне. Тяса синь лувондыхть художественнай, политическэй и научнай литература, журналхт, налхксихть шахматса и шахкаса. Лувондыхть лекцият и йотифнихть беседат, тиендыхть репитицият и путнихть спектакольхть.

Декабрь 26 це шинь илядсь особенно пях интереснай. Тя илядста ушедсть перевыборхне комсомольскэй организацияса. Пуромкста инголе якстерь уженясь ульсь пашксь ломаньда.

Тя пиньгста атесь, Ботов Иванць, аделакшнезе эсь шашечнай „матченц“ Кунясов пионерть мархта, матчсь аделавсь вничью.

Ламос ливоськодкшнесь, мзнсесь шашка доскать вельксса, но синьдемс „врагть“ сопротивленианц ащезь машта. Кунясов Колясь тийсь аськолк иньгль пяхи и налхкомась аделавсь. Иван атя лаподезе эсь „противниконц“ пионерть копоренц и мярьгсь:

— Молодец тонафнек сяда цебарьняста налхкома, а меле кармат соревновандама Алехингть мархта.

— А тя кие стамсь? — кизефтезь Иван атянь колхозникне. Иван атя отвечась:

— Шахматса налхкомаса герой, а тани сон йотазе налхкомда Эйвесь штоли. Инь оцю столть ваксса ащезь озада комсомолець Чернышев Ванясь. Пуромкста инголе Ванясь лувондсь газетаста Итало Абиссинскэй войнать колга эсь кельгемя ялганцты — стирьняти Пашати.

— Ваня! Мярьксь Пашась, — А коса ся Италиясь?

Ванясь пеедзевсь и кармась азондома Средиземнай мореть, Африкать колга, сон чертиндазень доскати и азондсь сембень колга.

Мек пуромксть ушедомозонза синь саворне корхнесть ся кизефксть колга. А мзярда комсоргсь азозе, што курук паньсаськьсь сьолкф комсомольскэй пуромксть, и Ванясь прощандась Пашать мархта и макссь обещания, што ванды канды мархтонза кархта и подробнайста азондсы тя кизефксть.

Сувамста, види ужеса ащезь озада колхозниксь Стариков Михаилсь эсь цюранц Колять мархта. Синь корхтась пчеловодствать колга, кода якамс нешкнень мельгя? Цебарьста аф содасазь. Кафця синь морафтыхть книгат пчеловодствать колга.

Лама ломань терьни тя якстерь уженясь, а ламосна занимандайхть кодама кизефкст синь интересовандасазь. А интересовандайхть синь ламосна, радиоть, киноть, садоводствать, международнай событиятнень мархта и стак тов.

6 частста илять паньжевсь сьолкф комсомольскэй пуромксь, коза илядсть аныцек комсомолецьне и коммунисттне. Тяни синь аф лувихть ни газетат, аф налхкихть шашкаса...

Тяни сичь заняфт фкаса-внутрисоюзнай тевть мархта. Пуромксь ушедсь.

И. Пузаков

ВЛКСМ-нь обкомсь оцю седи ризфса азонды ленинскэй комсомолонь члентть, активнай селькорть, большевистскэй колхознень инкса передовой борець

Семен Андреевич Журавлев

ялгать пиньгга инголе куломанц колга, кода юмась бовоой пост лангса народонь заклятай врагть предательскэй кяденц эзда 1936 це кизонь январь 4 це шистонза, Анаева велеса, Зубунь района.

ВЛКСМ-нь обкомсь.

Мезенкса крити ковандазь комсоргты

Комсоргс Шанкинц отчетно-перевыборной пуромксты йотафтоманц колга сембе комсомолецненьди азсы латта шиде кафт а инголя, но сембе сяка азф пингоня пуромксы ашезь пурома.

Пиди тынди виноватт комсомолецне, сяс мес синь ашесть са пуромксы?

Тя аф видя. Самазлечень организациянь (Рыбкинань вайонца) сембе комсомолецне отчетно-перевыборной пуромксы састь азф пингты и азф вассти. Синь учсть колма частт соньценъ комсоргты эса и аньцек колма частта меле сась комсоргс.

Сяда меле содавь, што комсоргс Шанкинц ты шиня якась базугу.

Кафкса частта илять пуромксты ушедомс ульсь поздна и комсомолецне арьсезь, што пуромксы эряви кадомс омбоце шити, и йотафтомс шити 12 частта.

Омбоце шиня пуромксы ушедсь аньцек обедта меле фкя частта. Тя важнейшай пуромксты пуромксты аф сембе комсомолецне. Сембец организацияса комсомолецта 13, а пуромксы ушедсь 11 комсомолец пингста и аньцек ушедомода меле сас кемгаф увоцесь — Глуховсь.

— Ялгат кафта ломаньнеки ниньга ашет, — корхтай комсоргс, но синь курукста аф саяхъ, сяс мес фкясь вирьса и пуромксты колга мезевок аф содай, а Глуховсь содазе, што тычи пуромксы, но сембе сяка тусь району, Мон думандан пуромксты эряви паньжемс.

— Конешня, аш месь учсsem, — корхтайхъ васста.

Президиуму ульсь кочкафт: Шанкинась, Фроловсь и Цилинц. Шанкинать пожелади пуромксты председателксы, но сон пуромксты вятемода атказась.

— Моньдине аф савгови улемс председателксы, — корхтай сон.

Пуромксты вятезе Цилинц.

Пуромксы васень кизефксы ульсь ВЛКСМ-нь ЦК-ть сьорманц кочкамац. ЦК-ть сьорманц цебарьста коч-семода меле комсомолецне кулхондозь комсоргты Шанкинть отчетнай докладонц.

ВИНОВАТТАМА И МИНЬГА

Комсомолецт Глуховть
выступленияц.

Тяса лама ялгат корхнесть политтонафнемать калдыавста йотафнеманц колга, нят сембе фактатне видет. Тяса аш кодамовок сомнения, што Шанкинц политтонафнемать колга мезевок ашезь тиенде.

Но вдь эряви азомс, што ты те вть эса и виноваттама миньга. Минь комсоргты вестенга изема марьгоньде, штоба сон пуромксы путолезе политтонафнемать колга кизефксты.

Тяни мон аф лама азан пуромксынень колга. Мянть тыярс минь организациясонок пуромксне йотнесть стане, кода ульсь мялец комсоргты Шанкинть. Мон аф мяляфтан тяфтама случай, изярда ба минь пуромксоньке йоталь аноклафста. Эрь пуромксты комсоргс ладта азонды 2-3 частта инголя, сянъ васте, штоба эряволь ладтазомс 2-3 шиде инголя. А вов исаяк ниньга сяде „пара“. Комсоргс азсы ладта штоба пуромомс отчетно-перевыборной пуромксы, а сонъи тусь базару. Мон арьсан, што нят безобразияненьди ули путф пе.

Ликбезсь—юкстаф участка Бордин комсомолецт выступленияц

ВЛКСМ-нь ЦК-ть XI пленумонц решен яц комсомолецнень инголя пусь фкя основной задача—ты келедемс эрь комсомолецт культурнай и политической содама шинц.

Кода минь организацияньке сатчесы ты решениять пшкюдеманд? Эряви азомс, што минь комсоргоньке ты решениять юкстазе. Вов ликбезонь школатнень работасон колга. Мянть тычинь шис велесонк аф работайхъ нят школатнень. Васенда ульсь туфтал ся, што аш кресин. Тяни ты туфталсь машфтовсь, керосинда лама. Сянъ ва ц мувсь од туфтал, аш лампат. Кода нйасасть минь школань работиконьке и велень советоньке уш-дсть кяше-дема омбоце туфталть фталу. А вдь кода кярмодемс ты кизефксты, то лампат можна мумс тячикиге.

Сембе бедась тоса, што ф велень советонь председателксы, — Патаин ялгась, аф колхозонь правлениясь ты кизефксты мархта

ашесть занимада. А комсоргоньке Шанкинц тынь мельга тяфтажа изь вана, ильне фкявок вал эсь докладонза ашезь аз и кода няеви Шанкин мезевок ашезь тиенде.

Ванцась содама шисон минь комсомолецнень. Пугай сембе малограмотнайхъ, а конат тонафнесть, сят сембонь юксезазь, то нафнемать колга Шанкин мезевок аф думандай. Ништа аш код минь велесонк пуромтомс иляденъ комсомольской общеобразовательной школе, кода ба тонафнемс 4-5-це классонь инкса? Ули кода. Ты и виноваттама минь сембе, а васенда киге комсоргс.

Тяфтажа калдыав тевь политтонафнемасовок. М-нь тычинь шис политзанятия йотафнемс случайста случайс. Протандисоньке Фроловсь политзанятия йотафнемс мзярда теенза эрявь, аф планонь коряс Нэ комсоргс ты безобразиять лангс ванць и мезевок ашезь корхне.

МЕС СТИРЬНЯТНЕНЕ КАЛДЯВСТА ЯКАЙХЪ ПУРОМКСУ

Комсомолкаты ШАНКИНАТЬ выступленияц

Мон мяляфца комсоргоньконь Шанкинть работанц кизонь пингоня. Эста аф ваномок паксянь работаньнен лангс, минь хоть шураста, но всегак тонафнемс политшколаса. Л-мод сяде сидеста йотафнемс комсомольской пуромксты. Паксянь работаньнен пингста миссовой работас аф союзнай од ломаттнень йоткса ульсь ладяф цебарьста. Одс примамя комсомолу вете ломатть.

М-ч лувса, што минь комсоргоньке Шанкинц мектальденъ пингтнень эзда ашезь Шарьхкод эсь задачанц. Сон кадозе шири сембе воспитательнай работать и ушодсь з-н мандама хозяйственной кизефксы. Сон юкстазе, што комсомольской пуромксы фкя инь оцю воспитательнай участка комсомольсь работаса. Мекольденъ пингтнень эзда пуромксты сон пуропнесь шураста. А весть ульсь тяфтама случай. Пуромксты колмонь мест и йотафтит комсомольской марстонь пуромкс. Али вов случайсь. Планонь коряс минь должны улемс марстонь пуромксонь

ке и вов мон терьдине стирьнятнень—комсомолкатынень пуромксы, а сон сянъ васи, шоба ся пингоня пулоптомс сембе комсомолецнень, ушедсь стирьнятнень лангса рахсема. И тыконь мархта тумя куду. А ништа тяфтама случайда кржа?

И вов ламоксты минь стирьнятнень—комсомолкатынень пуромксы ашесть сашенда.

Шанкинц йотксис котамовок работа ашезь, няфче стирьнятнень содама шисон касф омасон инкса. Вов мон эсь колган. Кда сянъ стирьнятнень и од авань республиканск-ай конференцияста, монъ ульсь оцю мялезе тонафнемс и вете шит эрявь якамс комсоргты мельга, штоба сон кучелемань тонафнема районнай колхознай школав.

Мон думандан одс кочкаф комсоргоньке ты безобразияты пути пе. Эряви эрь козня кафксты йотафнемс комсомольской пуромксты и штоба эзост улест сембе комсомолецне.

Оцю активность

Сембе райоттнень эзда сашендыхъ кулят комсомольской организтнень перевыборсон колга, кода азондохть ты вожнейшай работать цебарь и калдыав ширенза.

Пуромксы пингстонза самась и оцю активность—вовмезь ламода отличандакшнесыне перевыборнай пуромкснень эрь шинь пуромкснень эзда.

Ича кань пептехникумонь комсомольской организациянь пуромксы 56 комсомолецнень эзда састь пуромксы 53 ломатть. Докладть коряс пренияса корхтась 20 ломань. Комсомолецнень ламосна корхтась политиковоспитательнай работать аф сатомшкаста йотафтоманц колга, аф союзнай од ломаттнень йоткса калдыав работать колга. Лама корхтась сянъ колга, што комсомольской организациясь аф сатомшка лезкс макссесь башка комсомолецненьди и с-мбе сят студентненьди конат илядкшнихъ фталу тонафнемаса.

8 ковань кувалмоста комсомолу пр-маф 30 ломань тяфтама сатфкс мархта сась „Красная пресня“ сов-

МЕС КРЖА УЛЬСЬ АЗФ ДОКЛАДСА

Комсоргс эсь докладсонза кевегия минутста азондозе. Мзяра комсомолецт, кода синь работайхъ Сон азондозе организациять касома шинц, сянъ, што тунда организацияса ульсь 4 комсомолецт, а тяни 13. Тунда организациясь ашель фкявок стирьня, а тяни комсомолкада — стирьняда ниле. И аньцек кафта колма валса Шанкинц азозе, што комсомолецне мекпальденъ пингты эзда йотксис аф тонафнихъ политшколаса. Комсоргс политтонафнемать аф мелеманц йоразе азондомс сянъ мархта, што аш руководитель.

Шанкинц докладонц песа ушедсь сюеца комсомолецнень сяс мес синь калдыавста пуромкшнихъ пуромксненьди. Лияста пуромксы ишедкшнени 3—4 частта меле назначеннай пингты коряс.

Тяконь мархта ульсь аделаф комсоргты Шанкинть докладонц.

Сембе докладса йотксис фкявок вал ашель азф живой ломанень колга. Шанкинц ашезь аз фкявок вал сянъ колга, кода комсомольской организациясь и сонъи комсоргс йотафнемс комсомолецнень йоткса воспитательнай работать. Станяжа комсоргс докладсонза ашезь аз кие кода пшкюдкшнесы эсь нагруканц. Сон аф содасы мес Афнасейкинась и Бесаловась позда сашендыхъ комсомольской пуромксы, мес Бесаловась кадозе тонафнеманц.

Нят сембе кизефкснень комсоргс—Шанкинц эсь отчетнай докладсонза йотксис йотазень. Сон йотазень сяс, мес нят кизефкснень колга мезевок ашезь тиенде.

И-голе Шанкин Костясь ульсь аф калдыав комсоргс. Кизода сьоронь урядамать пингста сон мольфтезе политтонафнематьке и ашезе лоткафче воспитательнай работать аф союзнай од ломаттнень йоткса. Ниле кохсо-молецста организациясь кась 13, сон содцеке кода работась колхозса башка эрь комсомолецс. Но мекольденъ пингты Костясь эсь работанц лафчептезе.

И вов нят сембе аф сатыкснень инкса кемоста сюецеь комсомолецне комсоргты. Синь эсь выступлениясост няфезь комсоргты работань сембе аф сатыксонзон.

ВЛКСМ-нь ЦК-ть XI-це пленумонц решениянзон йотазь вакса

Улихть башка комсомольской организации, конат ашезь шарьхкодъ эсь воспитательной рольс-нон комсомолецнень и аф союзной од ломаттнень йоткса. Воспитаниять полафнезь хозяйственной тефнень мархта.

Кепотксоньди сявсась „Верный путь“ колхозонь (Исарань район) комсомольской организации. Вов комсомольской пуромксонь протоколхне:

— „Путоськ: Ботсв завхозть, винада симоньдеманкса и халатнай шинкса работаста валхтомс“. 5-це № протоколста).

— „Путоськ: Сембе ремонтировав даф вельхозинвентарь и машинатнень максомс бригадатненьди. Ваномс и комплектовандам звенатнень, кемокстамс участк звенатненьди“. (6-це № протоколста).

...Путоськ: Завхозкс путомс Ф. П. Чернышевть, кладовщикомс — Пастуховть“.

Коста ня протоколхне сявф? Ламон пади мярьгихть, што на протоколхне сявфт колхозонь правлениять протоколхонзон эзда? Аф. Нат сявфт комсомольской пуромксонь протоколхнень эзда. 1935 кизоть кувалмос йотафтфт 15 комсомольской пуромкст (сьолкфта анычек кафта).

Ня пуромкснень эса кочкесевть 25 кизефкт. Шинь повесткаты эса сембода ламосна ульсть кизефксне хозяйственной тефнень колга, анычек 8 кизефкт ульсть внутрисоюзной работать колга.

Хотя комсомолецне кочкесез ВЛКСМ-нь ЦК-ть XI пленумонц сонь решениянзон сембе сяка ашезь шарьхкодъ и аф пашкочне сазь, аярдыть од ломаттнень йоткса работать эзда, полтвоспитаниянь работать эзда, шарыхть хозяйственной кизефкснень перьф.

Пади кивок мярьги, што эрвяхть путнемс хозяйственной кизефксневок? Эрвяхть. Эста эрви савомс конкретной кизефкс и сонь колганза лифнемс специальной решениять, и аф тяфтап, кодапт сьормадфт сяда вяр. Тяфтама кизефкснень лангса вдь ащи колхозонь правлениясь. А мес пяк эрвяхть тяфтама решениятьне:

...Тячиень пуромкста савомс сембе комсомолецненьди эрви кярмодемс сембе хозяйственно-политической кампаниятненьди и пашкодкшнемс общественной работатнень. Мярьгомс эрь комсо-

молецти, штоба сон максоль отчет сай пуромксса хозяйственно-политической кампаниянь се-бе кизефкснень колга... (4-це № протоколста 1935 к.)

Фкявок комсомолец тя решениять ашезь пешкодъ и кивок отче ашезь тий, кагодс сьормадозь, и кодамовок тез ашесть тий.

Аф ваномок сянь ланкс, шо внутрисоюзной работать колга кизефкса путфоль пяк кржа, сембе сяка синь кочкесевть поверхностьнасть. Йомла ульсь критикась и самокритикась.

...Кульхондоськ: дисциплинарь колга. Путоськ: Эр комсомолец тьякамс сембе пуромксненьди и правлениянь заседаниятненьди. Аф молеманкса уважительнай причинафтома тьянь колга путеви кизефкс комсомольской пуромксса“.

Мезень колга тевсь? Мес кизефкс ульсь путф дисциплинарь колга? Кда ульсь случайхть, што кой-кона комсомолецне калфнезь дисциплинарь, мес ба аф сьормадомс протоколти, примамс синь мархтост мерат, а аф лифнемс тяфтама шава решениять. А колхозной правлениянь заседаниятненьди аф молеманкса комсомолецти аш месь содондамс аф дисциплинированной шить.

Кой-коста шинь повесткаса эрьсикхть тяфтама кизефкт:

„Комсомольц иньгольпальденъ задачанза“ Мес иньгольпальденъ? Мезень колга коржтамась моли? Тьянь колга кодамовок ответ аф максы фкявок комсомолец, конат ульсь ся пуромксса.

Тяфтама хозяйственной струнка, тя комсомольской организациять няевсь и од ломаттнень мархта работамстовок.

1935 кизоня йотафтфт од ломанень анычек кафта пуромкст. Но йотафтфт синь скучнайста, аф интереснайста. Кафцке пуромкснень эса кизефксне путневсь сьоронь урядама кампаниять колга. Кувака докладта меле од ломаттне тушендъ кудгаст.

Тяфта лисеньди ся организациятнень эса, коса ашезь шарьхкодъ эсь задачаснон, коса работайхть иньгольденъ методть коряс, занимайдайтъ хозяйственной тевса, а комсомольской работась, гонафнемать, од ломаттнень йоткса и идьтнень йоткса работась кадф фталдонь плантти.

И.

ЧУДЕСНАЙ ПРАЗДНИК

Саранск. Январь 3-це шистонза 11-й школань залса ульсь латта азом, што тяти 5 частста клубса кармай улема йолка. Шабатнень ламосна ашезь сода мезе стамсь йолкась, но синь пионервожатаясна Расстегаев Колясь азондозе мезе ся йолкась.

Революцияда инголе буржуазиясь и чиновникне од кизоста прокс организовадакшнелхть эсь идьсонды йолкат. А рабочайхнень шабасна вонондолхть и завидлякшнелхть синь лангзост.

Тя интереснай праздникти шабатне и синь терясна и алясна сась ою мяльса Пиньгсь 5 частт. Пионервожа айсь Колясь мярьгсь шабатненьди, штоба кайселезь адежаснон и сувальхть клубти. Панжезь клубть, залть кучкаса ащи йолка, наряжаф всякай лад а паньчфса, лентаса, картинаса, потмосонза полыхть всякай цветса электрической лампочкат. Шабатне кядень кундазь кармасть якама

йолкатъ перьфкя, синьць морайхть всякай лаца морхт.

Пионервожатайсь Расстегаев Колясь лувозе йолкатъ паньчфокс. Васендакия пионерхне кармасть няфнемс в ы с т у п л е н и я т, моара морхт, азондома дикламацият, кштиме и с а к т о в. Башка выступленияда меле ушедсть коллективной налкхсематне и кштиматне Шабатне ульсь пяк веселат и довольнайхть.

Йолкав сашендъ лама учительхть и преподавательхть, а стания жа школань директорсь

Шабатненьди ульсь максфт гостинецт.

7 частста йомла шабанятне ульсь прважфт куду а старшай классонь ученикненьди ульсь организовадаф вечер.

Шабатне пионервожатайти и учительсонды мярьксь, штоба тяфтама интереснай йолкат организовадакшнелхть сяда сиденяста.

А. Дуйков.

Ковылкинаны МТС-ть оцю победац

Ковылкинаны МТС-сь (директорон Кузьмин ялгась) декабрь 29-це шистонза 1935 кизоня 26 тракторонь петема плантть пашкодезде ков пядеда сяда инголи срокть коряс

Тракторонь петемать эса ковылкинеинь йотафтть работань стахановской методт. Слесарь М. И. Беднов ялгась подшипниконь шовама ручной станокть тиезе механическойкс. Ручной станокса 16 подшипникне шовсвольхть 5 шиста, а механической станокса 8 подшипникнень фкя шиста (а нормась шити 4 подшипникт)

Механической станокть эса Беднов ялгась сатсь подшипниконь шовамаса стама точность, што тяд меле афоль эряв шабровкавок

Беднов ялгась тяфта жа тийсь рационализация прижигонь станокти. Кда инголи нормань коряс 8 частонь пингть прижигандавкшнелхть анычек 4 подшипникт, то тиянь работась пашкодкшнелхть част пеле мархтонь пингста.

Беднов ялгать заработкац октябрьковста 250 цалковайхть, а декабрьнь 26 шитьнень инкса—400 цалковайхть.

Слесарь и—монтажникти Коткин ялгати январь 15-це шинь эрвюль аделамс гильзань запресовкась, поршенень кочкамась, моторхненьди шярямонь путнемась (пригонка ь) и ст. тов., но сон сувасть стахановской движения и аделазе тя работать декабрь 27-це шиньцты.

Коткин ялгать заработкац октябрьста ульсь 175 цалковайхть, а декабрьнь 26 шитьнень инкса—325 цалковайхть.

Кузнець Овчуков Иван Васильевичсь рабочей шинь кувалмоть тиеньди 13 лемехт, 6 ть васц (нормань коряс). Нат шитьнень сон йотни работама кафта горнас. Овчуковсь тийсь культурнай вид кузнечнай цехса.

Тракторонь петема плантть пашькодемаса оцю лезкс няфць МТС-ть первичнай партийнай организацияц. Ремонтонь йотафтомста (ноябрь 20-це шистонза ушedomок декабрь 29-це шинь самс) нефтебазать заводуюаец Глазковсь ульсь кучф слесарнай цеху парторг вастс. Тяфта жа ульсь кучф производств и лия коммунисттка. Сталин ялгать стахановской движениять колга реченц ванондомда меле ремонтнай мастерскоонь рабочайхне энтузиазма мархта фатязь (подхватили) стахановской движениять.

Тянди результаток арси тракторонь петема плантть срока инголе пашькодемац.

1935 кизоня Ковылкинаны МТС-нь трактористне ванфить горючайда—55,7 тоннат. Гектарть обработкань стоимостец планонь коряс 27 цалковайста кирьсь 23 цалковайс. Тракторонь петемаса ванфтф 3200 цалковайхть, а йотай кизоня ульсь 15 тьожатть цалковайхть перераход

Ремонтнай мастерскоонь рабочайхне сьавсть эсь лангзост дополнительной обязательства — январь 20-це шинь камс петемс (ремонтироваданамс) 15 моторхт Рыбкинаны МТС-ти 1936 кизоня максомс эрь тракторти 1935 кизонь 689 гектархнень васц аф 1000 да кржа гектархт.

М—Т

Г. Пьянзин

ОД ПАВАЗ

Сире, эчке, моргв,
Шерю келуть пряса.
Лешкясь кодавсь соргокс
Кожорсь сонь судерясы,

Тарадонза уськт прокс,
Сиянь цюокос нюрьгихть,
Од кизось—ни шась сокст
Келуть алга юрги.

Наряжаф кузняса
Учи кеняньф вандыть,
Кие сонь аф шнасы—
Од павазонь кандыть.

Од кизонь шумбрат—пархт—
Пара мильхть сон азы,
Эряфса геройхнень
Од павазса кази.

— Кулхонтт, ташта киза,
Азонк эсь отчетценъ
(Тон пади и сизеть)
Кодаж эряить срокценъ?!

— „Сатф сатомшка сатфкста—
Азондомс пяк ламос,
Вандыкиге васьфуак—
Азсыня Стахановсь!“

Шинь лисемда меле
Шивалдсь менельть пинжепцъ,
Пяк весяла эряфс
Сась павазу инжи!

Наряжаф кузняса
Тячикс шарфць—ни вандысь.
Кие сонь аф шнасы—
Од павазонь кандыть!
Саранск 1936-це киза

Часовой

Пиньсов Яшась

Ковнять перьфкя—
Тяштенъ рой,
Гуйфсна тяшттнень
Ловкай.
Тячи ашан часовойкс,
Кядьсон монь винтовка—
Кядьсон кемоста кундаф,
Штыкоц ваны
Инголи.
Шлемсон
Якстерь тяште стаф,
Зарянь тяштекс
Пиндолды.
И петлицаневок—макт
Кода маконь переса.
Тона бокста
Няйса врагть,
Няйса ниньга ширеста,
Ашан
Вернай часовойкс,
Ванан вольнай мастортъ.
Аноктама оцю бойс,
Штоба отпор максомс:

Уполномоченный главлита № 46

Саранск „Известия“ „Красная звезда“ „Молитва“

Физкультурнай хроника

* Ардатовань Осоавиахимонь учебнай пунктса РайСФК сь мольфти оцю работа 1-це ступенень ГТО-нь значкистонь аноламаса. 10 шиста кирьдсть испытание лыжаса 190 ломань, а 184 ломань кирьдсть 8 видт 1-це ступень ГТО-нь значеконь комплекста

* Щирингушевской фабрикаса (Зубунь р н) пруть лангс организовандаф каток и пуроптф хоккейнай команда, стания жа каток организовандаф Потьма станциясовок.

* Ичалкаса (педтехникумонь физкультурнай преподавательхть Сидоров ялгать инициативанц мархта организовандаф оцю каток, конанц восток 2000 кв, метрат. Каникул пиньгть катокса кармайхть йотафтовама школьной соревнованиять. Купер.

Отв. редакторсь Ф. С. Руськин.

Закат № 76

Гирж 2025